


Ka Baibl na ka bynta ki Khyannah
ka wanrah

Ka Jingsdang ka
Jingsngewsih ka jong
U Briew



La thoh da: Edward Hughes

La dro dur da: Byron Unger; Lazarus
Alastair Paterson

La shim kylliang da: M. Maillot; Tammy S.

La pynmih da: Bible for Children
www.M1914.org

©2021 Bible for Children, Inc.

License: Phi don ka hok ban copy lane ban shon ia kane
ka jingiathuhkhana, lada phim die ia ka.



U Blei U LA THAW IA KIEI KIEI
BAROH! Mynhaba U Blei u la thaw ia
u briew banyngkong, u Adam; u Adam u
la shong la sah lem bad ka kurim jong
u, ka Im, ha Eden. Ki la long kiba dap

da ka jingkmen bajanai ha
kaba kohnguh ia U Blei bad ki
kmen ha ka jingdon
ryngkat lem ka
jong U Blei tad
ynda ha kawei
ka sngi ...



"Dei shisha mo ba
U Blei u la ong ia phi
ban ym bam na u dieng
baroh?" u bseiñ u la
kylli ia ka Im. "Ngi lah ban bam ia u soh
baroh, lait noh tang ia uwei," ka la jubab.
"Lada ngi bam lane ktah ia utai u soh,
ngin iap." "Phin ym iap," u
bseiñ u la rkhe pynbieit.
"Phin sa long kum u Blei."
Ka Im ka la ikwah ia u soh
jong uta u dieng. Ka la
pynshahshkor ia u bseiñ
bad ka la bam ia uta u soh.



Hadien ba ka Im kam shym
kohnguh ia U Blei, ka la ialam ia u
Adam ban bam lem ia uta u soh.
U Adam u la dei ban ong, "Em!
Ngan ym long u bymkohnguh ia Ka
Ktien jong U Blei."






Haba u Adam
bad ka Im ki la leh pop, baroh ar
ngut ki la sngewthuh ba ki la long lyngkhuit. Da kaba
suh lang ia ki sla u dieng Dumbur kum ki jingkyrshah,
ki la tap ia lade bad ki la rieh ha ki sañium dieng
rit na ka jingdon ryngkat lem ka jong U Blei.




Ha ka jingpynggad jong ka premmiet, U Blei u la wan sha ka kper. U la tip aiu u Adam bad ka Im ki la lah leh. U Adam u la kynnoh ia ka Im. Ka Im ka la kynnoh ia u bseiñ. U Blei u la ong, "U Bseiñ u long uba la tim. Ka briew kan don ka jingsuh jingthar haba ka kha khun." "Adam, namar ba me la leh pop, la tim ia ka khyndew lem bad ki shiah bad ki shiahbuid.

Men trei shitom
bad men mih syep

ban ioh ia la
ka jingbam
kaba man
ka sngi."






U Blei u la buh ia u Adam bad
ka Im shabar jong ka kper
baphylla. Namar ba ki la leh
pop, la pyniakhlad noh ia ki na
U Blei uba ai jingim!





U Blei u la buh ia ka waitlam
baphyrnai ban khanglad ia ki ban
rung shapoh ka kper. U Blei u la
thaw ki jingsop da ka snieh na
ka bynta u Adam bad ka Im.


Nangno U Blei
u la shim ia
ki snieh?




Ym slem hadien kata, u Adam bad ka Im ki la ioh la
ki khun ki kti. U khun nyngkong jong ki, u Kain, u la
long u nongrep. U khun ba-ar jong ki, u Abel, u la
long u nongri langbrot.



Ha kawei ka sngi, u Kain u la wallam sha U Blei katto katne ki jhur kum ki jingai sngewbha. U Abel u la wallam katto katne na ki babha tam jong ki langbrot jong u kum ka jingai sngewbha sha U Blei. U Blei u la sngewbha eh ia ka jingai sngewbha jong u Abel.




U Blei um shym la sngewbha bad
ka jingai sngewbha jong u Kain.
U Kain u la bitar shikatdei eh.
Hynrei, U Blei u la ong, "Lada me
la leh ia kaba dei, hato yn ym
pdiang ia me?"



Ka jingbitar jong u Kain kam shym
la kut noh. Haden katto katne
por hapoh lyngkha u la tur ialeh ia
u Abel - bad u la pyniap ia u!




U Blei u la kren ia u Kain. "Hangno u para jong me, u Abel?" "Ngam tip," u Kain u la len. "Dei ma nga mo uba sumar ia la u para?" U Blei u la pynshitom ia u Kain da kaba shim noh na u ia ka jinglah ban rep lyngkha, bad U la pynlong ia u, u nongiaid wir.




U Kain u la leit noh na ka jingdon ryngkat ka jong U TRAI. U la shongkurim ia ka briew kaba na Nod. Ki la ioh ki khun ki kti. Shen shen, ki khun ksiew bad ki ksiew tun jong u Kain ki la pyndap ia ka nongbah kaba u la seng.




Ha kajuha ka por, ka longiing longsem
jong u Adam bad ka Im ki la roi stet.
Ha kito ki sngi, ki briew ki la im
kham jrong ki rta ban ia kaba mynta.



Haba ka Im ka la kha ia u Seth, ka la ong,
"U Blei u la ai ha nga ia u Seth ha ka jaka u
Abel." U Seth u la long u brierw bariewblei
uba la im haduh 912 snem bad u la don
shibun ki khun ki kti.




Ha ka pyrthei, ki briew ki la nang kylla
bymman na kawei ka pateng sha kawei pat.
Ha kaba khatduh, U Blei u la rai kut
ban pynjot ia ki briew bad baroh ki
mrad bad ki sim. U Blei u la
sngewsih ba u la lah
thaw ia u briew.



Hynrei, don
tang uwei u
briew uba la
pynsngewbha
ia U Blei ...



Une u briew u dei u Noah, uba hiar pateng na u Seth. U Noah u la long u briew u bahok bad uba khlem shah kynnoh pop. U la iaaid ryngkat bad U Blei. U la hikai ruh ia la ki lai ngut ki khun shynrang ban kohnguh ia U Blei. Mynta, U Blei u la khreh ban pyndonkam ia u Noah ha ka rukom kaba kyrpang bad kaba phylla shibun!




Ka Jingsdang ka Jingsngewsih ka jong U Briew
Ka jingiathuhkhana na Ka Ktien U Blei, ka Baibl,

la shem ha

Jenesis 3-6


"Ka jingrung Ki Ktien jong Me ka ai jingshai."
Salm 119:130





Ka Bakut

2



60



Kane ka jingiathuhkhana na ka Baibl ka iathuh ha ngi shaphang U Blei jong ngi U baphylla, uba la thaw ia ngi bad uba kwah ia phi ban ithuh ia U.

U Blei u tip ba ngi la leh ia kiei kiei ki basniew, kiba U khot "Ka Pop". Ka jingpynshitom ia ka pop ka dei ka jingiap, hynrei, U Blei u ieit ia phi haduh katta katta, ha kaba U la phah ia la U Khun ba tang marwei jong U, U Jisu keiñ, ban shahiap halor Ka Diengphna bad ban shah pynshitom na ka bynta ki pop jong phi. Nangta pat, U Jisu u la mihtpat bad U la kiew noh sha Bneng! Lada phi ngeit ha U Jisu bad kyrpad ia U ban map ia ki pop jong phi, Un leh kumta! Un wan bad shong hapoh jong phi mynta, bad phin iai im junom bad U.

Lada phi ngeit ba kane ka dei ka jingshisha, ong ia kane ha U Blei: Jisu baieit, nga ngeit ba me long U Blei, bad ba me la wan long briew ban iap na ka bynta ki pop jong nga, bad mynta me im pat. Sngewbha wan hapoh ka jingim jong nga bad to map ia ki pop jong nga, khnang ba ngan lah ban ioh mynta ka jingim bathymmai, bad kumta ha kawei ka sngi ngan sa ioh leit bad long lem bad me junom. To iarap ia nga ba ngan lah ban kohnguh ia me bad ban im na ka bynta jong me kum i khun jong me. Amen.

Pule ia ka Baibl bad iakren bad U Blei man la ka sngi! İoan. 3:16

